



KEMENTERIAN KESIHATAN MALAYSIA

KENYATAAN AKHBAR KEMENTERIAN KESIHATAN MALAYSIA

SITUASI SEMASA JANGKITAN PENYAKIT CORONAVIRUS 2019 (COVID-19) DI MALAYSIA 15 FEBRUARI 2022

Kementerian Kesihatan Malaysia (KKM) ingin memaklumkan status terkini kes COVID-19 di Malaysia sehingga 15 Februari 2022 (jam 12:00 tengah hari);

- Kes sembuh: **7,584 kes** (2,868,538 kes kumulatif, 93.0%)
- Kes baharu : **22,133** (3,083,683 kes kumulatif);
- Kes import : **80 kes** [30 warganegara (37.5%); 50 bukan warganegara (62.5%)];
- Kes tempatan : **22,053 kes** [21,604 warganegara (98.0%); 449 bukan warganegara (2.0%)];
- Kes yang memerlukan rawatan di Unit Rawatan Rapi (ICU): **194 kes** (103 kes disahkan COVID-19; 91 kes disyaki, kemungkinan, dan kes dalam siasatan);

- Kes memerlukan bantuan pernafasan: **120 kes** (55 kes disahkan COVID-19; 65 kes disyaki, kemungkinan, dan kes dalam siasatan);

KLUSTER COVID-19

- Jumlah kluster : **6,629 kluster**;
- Jumlah kluster baharu : **16 kluster**;
- Jumlah kluster yang telah tamat : **6,185 kluster**; dan
- Jumlah kluster aktif : **444 kluster**.

KATEGORI KES COVID-19

Daripada **22,133 kes** harian yang dilaporkan pada hari ini;

- **146 kes (0.66 peratus)** adalah kategori 3, 4, dan 5; dan
- **21,987 kes (99.34 peratus)** lagi adalah terdiri daripada kategori 1 dan 2.

Bagi kes kategori 3, 4 dan 5 yang dilaporkan hari ini:

- **30 kes (20.6%)** tidak divaksinasi atau belum lengkap divaksinasi;
- **79 kes (54.1%)** telah menerima dua (2) dos vaksin COVID-19 namun **belum menerima dos penggalak** (kumpulan ini berisiko kerana kemungkinan tahap imuniti terhadap COVID-19 telah menurun);
- **1 (0.7%)** kes adalah kes ibu mengandung
- **58 kes (39.7%)** berumur 60 tahun dan ke atas;

- **46 (31.5%)** kes mempunyai penyakit komorbid; dan
- **15 (10.3%)** kes telah meninggal dunia, di mana **2 (1.4%)** adalah kes BID

Dimaklumkan bahawa meskipun semasa kes diuji dan baharu didiagnosa kebanyakan pesakit adalah pada kategori yang rendah, **namun dalam hari-hari berikutnya ada kes yang boleh merosot ke kategori yang lebih tinggi** (atau sebaliknya) lalu dimasukkan ke hospital. Sehingga 15 Februari 2022, kes baharu COVID-19 yang dimasukkan ke hospital adalah **1,432 kes**. Daripada 1,432 kes ini:

- **505 kes (35.3 peratus)** adalah kategori 3, 4, dan 5; dan
- **927 kes (64.7 peratus)** lagi adalah terdiri daripada kategori 1 dan 2.
- **25 kes** baharu telah dimasukkan ke ICU dan 1407 kes baharu telah ditempatkan di katil biasa.

Pada yang sama, **984 kes** COVID-19 telah didiscaj daripada ICU dan katil biasa di hospital.

Antara **sebab-sebab kemasukan pesakit COVID-19 kategori 1 dan 2 ke hospital** adalah:

- *Medical emergency* (contohnya penyakit kencing manis atau darah tinggi yang tidak terkawal);

- Baru dikenalpasti menghidap penyakit tidak berjangkit yang tidak terkawal (contohnya darah tinggi atau kencing manis) semasa mendapat pemeriksaan di CAC;
- Penjaga kepada pesakit Pediatrik dan Geriatrik;
- Kes-kes Obstetrik yang memerlukan pemantauan rapi;
- Pesakit Immunocompromised (HIV, pesakit yang sedang menerima rawatan kemoterapi);
- Kemasukan melalui wad kecemasan;
- Keadaan rumah yang kurang bersesuaian;
- Kes kanak-kanak;
 - Dehidrasi atau kekurangan air di dalam badan
 - Demam berpanjangan dan kelesuan
 - Mempunyai penyakit kronik
 - Tiada penjaga

NILAI R_T

Perincian nilai R_T mengikut negeri adalah seperti di **Jadual 4**. Maklumat terperinci lain berkenaan situasi semasa jangkitan dan penularan COVID-19 di Malaysia akan dimuatnaik ke laman web COVIDNOW di <https://covidnow.moh.gov.my> . Data akan dikemaskini pada jam 12:00 tengah malam setiap hari.

Jadual 1: Nilai R_T Mengikut Negeri Berdasarkan Kes Yang Dilaporkan Pada 14 Februari 2022

NEGERI	NILAI R_T
WP Labuan	1.94
Sarawak	1.56
Sabah	1.56
Pulau Pinang	1.43
Perlis	1.41
Kedah	1.40
Pahang	1.36
Terengganu	1.35
Kelantan	1.34
Johor	1.33
Selangor	1.32
Negeri Sembilan	1.29
WP Putrajaya	1.28
Perak	1.26
Melaka	1.23
WP Kuala Lumpur	1.23
MALAYSIA	1.38

NASIHAT KESIHATAN BERKAITAN COVID-19

KKM ingin menasihati orang ramai agar terus mematuhi saranan serta nasihat-nasihat kesihatan yang sering ditekankan iaitu;

- **Elakkan 3S:** (elakkan kawasan yang sesak, sempit, dan sembang dengan jarak yang dekat);
- **Amalkan 3W:** (Amalkan *Wash, Wear, and Warn*);

- Sentiasa memakai **pelitup muka** di kawasan awam yang tertutup. Pemakaian pelitup muka berganda adalah digalakkan;
- **Amalkan TRIIS** (*Trace, Report, Isolate, Inform, and, Seek*) sebelum menghadiri aktiviti sosial atau sekiranya bergejala;
- Jalani segera ujian COVID-19 sekiranya anda **bergejala**;
- Individu **positif COVID-19 kategori 1 dan 2A dan tidak berisiko tinggi (60 tahun ke bawah dan tidak mempunyai komorbid) tidak perlu hadir ke Pusat Penilaian COVID-19 (CAC)**, sebaliknya hanya perlu melakukan pemantauan sendiri melalui *Health Assessment Tool* (HAT) dalam aplikasi MySejahtera. SMS atau panggilan daripada perkhidmatan *Automated Voice Recording* (robocall) akan diterima sekiranya belum atau tidak menjalankan pemantauan sendiri setiap hari;
- Individu yang perlu hadir ke CAC (senarai penuh lokasi, nombor telefon dan waktu operasi boleh didapati di <https://covid-19.moh.gov.my/hotline>) terdekat untuk penilaian lanjut akan dimaklumkan melalui MySejahtera atau dihubungi CAC melalui SMS atau panggilan telefon;
- Individu yang **positif COVID-19 kategori 2B dan ke atas (sama ada berisiko tinggi atau tidak) atau mempunyai gejala yang semakin teruk**, dikehendaki hadir ke CAC atau hospital terdekat bagi pemeriksaan lanjut tanpa menunggu panggilan telefon daripada CAC ; dan
- Tempoh isolasi (pengasingan) bagi individu **positif COVID-19 yang tidak bergejala dan telah lengkap vaksinasi adalah tujuh (7) hari**, manakala tempoh isolasi bagi **individu positif COVID-19, bergejala dan tidak lengkap vaksinasi atau tiada vaksinasi adalah selama 10 hari**.

Individu yang belum menerima vaksin dan tidak pernah dijangkiti COVID-19 adalah kumpulan paling berisiko mendapat jangkitan COVID-19. KKM menasihatkan individu ini agar segera mendaftar dan mendapatkan vaksin COVID-19. Bagi yang telah mendaftar, KKM memohon agar anda hadir ke temu janji tersebut demi melindungi diri dan orang tersayang.

KKM akan terus memantau perkembangan kejadian jangkitan di dalam negara, dan juga luar negara melalui maklumat yang diperolehi daripada pihak WHO. KKM akan memastikan langkah pencegahan dan kawalan yang sewajarnya dilaksanakan secara berterusan.

Sekian, terima kasih.

TAN SRI DATO' SERI DR. NOOR HISHAM ABDULLAH
KETUA PENGARAH KESIHATAN MALAYSIA

15 Februari 2022 @ 7:00 petang

Lampiran 1

Jadual 2: Perbandingan Gejala COVID-19 Kategori 2A (Ringan) dan 2B (Sederhana)

Kategori 2A	Kategori 2B
Sakit tekak atau selesema tanpa demam atau sesak nafas	Demam berpanjangan [dua (2) hari dan lebih] atau demam semula selepas sembuh
Batuk tanpa demam atau sesak nafas	Kesukaran bernafas apabila melakukan aktiviti (<i>exertional dyspnoea</i>)
Hilang deria rasa tetapi masih mempunyai selera makan	Sakit dada
Hilang deria bau	Tidak boleh makan atau minum
Cirit-birit dua (2) kali atau kurang dalam masa 24 jam tetapi kekerapan dan pengeluaran air kencing seperti biasa (normal)	Kelesuan bertambah teruk terutamanya semasa melakukan aktiviti harian atau semasa bangun daripada tidur
Loya dan muntah tetapi kekerapan dan pengeluaran air kencing seperti biasa (normal)	Memerlukan bantuan untuk berjalan
Kelesuan tetapi masih boleh melakukan aktiviti harian	Gejala seperti batuk, loya, muntah atau cirit-birit semakin teruk atau berterusan
Sakit otot tetapi masih boleh melakukan aktiviti harian	Perubahan status mental seperti kekeliruan / kurang tahap sedar
	Kurang pengeluaran air kencing dalam masa 24 jam